



*Odbor za urbanizam i upotrebu lokalnog zemljišta*

Broj: 04-GV-04-1368/22  
Sarajevo, 13.09.2022. godine

**ZAPISNIK O RADU**  
**17. SJEDNICE ODBORA ZA URBANIZAM I**  
**UPOTREBU LOKALNOG ZEMLJIŠTA**  
*održane 13.09.2022. godine*

Prisutni:

1. Aida Koluder - Agić, predsjedavajuća Odbora
2. Ismir Smajić, zamjenik predsjedavajuće
3. Sandra Toskić, članica
4. Salih Išerić, član
5. Danijela Šahat, članica
6. Fikret Jakupović, član
7. Elvedin Korora, član

Sjednici iz Stručne službe Gradskog vijeća Grada Sarajeva prisustvuju:

- Mila Eminović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe za poslove Gradskog vijeća

Predsjedavajuća Odbora je otvorila sjednicu u 14.06 sati, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 16. sjednice Odbora za urbanizam i upotrebu i upotrebu lokalnog zemljišta, održane 15.06.2022. godine.

Na prijedlog Predsjedavajuće, jednoglasno je usvojen sljedeći dnevni red:

1. Predlaganje tema za Nacrt Programa rada Gradskog vijeća Grada Sarajeva za 2023. godinu
2. Tekuća pitanja

Predsjedavajuća Odbora je konstatovala da je Odboru za urbanizam dostavljena Informacija u vezi sa Zaključkom Gradskog vijeća Grada Sarajeva, broj: 01-GV-02-575-2/22 od 04.04.2022. godine

**TAČKA 1.**

*Predlaganje tema za Nacrt Programa rada Gradskog vijeća Grada Sarajeva za 2023. godinu*

Predsjedavajuća Odbora, u svom izlaganju se osvrnula na dosadašnje prijedloge Odbora za urbanizami i upotrebu lokalnog zemljišta, a koji su išli u pripremi Programa rada Gradskog vijeća Grada Sarajeva za 2022. godinu, te je konstatovala da, usljed neusvajanja planova višeg reda i Odluke o ventilacionim koridorima nije došlo do usvajanja programiranih regulacionih planova, izuzev Regulacionog plana „Brdo Hrasno“, te da je potrebno u Program rada Gradskog vijeća Grada Sarajeva za 2023. godinu uvrstiti 13. regulacionih planova koji nisu usvojeni u 2022. godini.



U diskusiji je učestvovao i Ismir Smajić, zamjenik predsjedavajuće Odbora.

Poslije uvodnog izlaganja i rasprave, na prijedlog predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeće **zaključke**:

1. Odbor za urbanizam i upotrebu lokalnog zemljišta sugeriše da se regulacioni planovi planirani za razmatranje Programom rada Gradskog vijeća Grada Sarajeva za 2022. godinu a koji nisu realizirani, planiraju za razmatranje Programom rada Gradskog vijeća Grada Sarajeva za 2023. godinu.
2. Odbor za urbanizam i upotrebu lokalnog zemljišta sugeriše da se u Program rada Gradskog vijeća Grada Sarajeva za 2023. godinu uvrsti donošenje Odluke o usvajanju Elaborata o lokacijama za postavljanje bilborda, kioska i ostalog mobilijara u pojasu korita rijeke Miljacke, na kojem Grad Sarajevo ima isključivu nadležnost.

## *TAČKA 2.*

### *Tekuća pitanja*

Poslije diskusije, te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta upućuje inicijativu Gradskom vijeću Grada Sarajeva da donese zaključak kojim će tražiti od nadležnih organa u Kantonu Sarajevo da izrade i usvoje elaborate kojim će utvrditi lokacije za postavljanje bilborda, kioska, ljetnih bašti i ostalog mobilijara na javnim površinama, saobraćajnim pojasima i ostalim javnim površinama iz njihove nadležnosti, a kako bi se uredila ova oblast i ispoštovali urbanistički i estetski standardi kakvi priliče glavnom gradu i urbanoj jezgri grada, uz napomenu da je Grad Sarajevo već izdvojio i uplatio sredstva za izradu ovih elaborata Zavodu za planiranje Kantona Sarajevo.

Odbor za urbanizam i upotrebu lokalnog zemljišta sugeriše da se na narednu sjednicu Odbora pozove i istoj prisustvuje Predsjedavajući Gradskog vijeća Grada Sarajeva gosp. Jasmin Ademović, kako bi ga informisali o radu i daljem planu aktivnosti Odbora na realizaciji nadležnosti iz njihovog djelokruga rada.

*PREDSJEDAVAJUĆA ODBORA*

*Aida Koluder-Agić, s.r.*

Predsjedavajuća Odbora je u 14.45 sati zaključila rad 17. sjednice Odbora za urbanizam i upotrebu lokalnog zemljišta Gradskog vijeća Grada Sarajeva.